

दफ्तरे नै आखेआ जे भारी बरखें करी पाडी खित्ते च काक्स बजार, बंदरबन, रंगामती, खरगाचनी ते छत्तोगरम पस्सियां पौने दी पेशगोई कीती गई ऐ।

<><><><><><>

Rajkot

राजकोट च टीआरपी गेम जोन च पेश आए दे अगग आले हादसे दे सरबंधै च 6 लोकें खलाफ गैर इरादन हत्या दा मामला दर्ज कीता गेआ ऐ, जेह्दे च टीआरपी गेम जोन दा मालक गी शामिल ऐ। सिटी पुलस आयुक्त आर.भार्गव होरें मीडिया गी दस्सेआ जे 2 आरोपिणं जिंदे च युवराज सिंह सोलंकी जेह्ड़ा जे गेम जोन दा मालक ऐ, गी गिरफ्तार कीता गेआ ऐ। टीआरपी गेम जोन च अगग लगने आली घटना च 28 लोक मारे गे ते 8 होर घायल होए। गुजरात हाई कोर्ट इस मामले दा आपूं संज्ञान लैंदे इस मामले पर अज्ज सुनवाई करोग।

<><><><><><>

7th Phase

लोकसभा दे 7में ते खीरले गेड़ दे चुनां लेई प्रचार च इक दुए पर दोष लाने ते भ्रष्टाचार चुनावी घोषणा पत्र ते बेरोजगारी दे मुद्दें छाए दे न। 8 राज्यें ते केन्द्र शासत प्रदेश दिणं 57 पार्लिमानी हल्के च 904 मेदवार चुनावी मैदान च खड़ोते दे न जेह्ड़ा जे पैहली जून गी होआरदा ऐ। पंजाब ते उत्तर प्रदेश दिणं 13-13 सीटें, पच्छिम बंगाल च 9, बिहार दी 8, ओडिशा 6, हिमाचल प्रदेश 4, झारखंड दी 3 ते चंडीगढ़ दी इक सीट उप्पर चुनां होंगन। सत्ता च बनी दी सरकार ते बरोधी घड़ें दे वरिष्ठ नेता ते स्टार प्रचारक मतदाताएं गी अपने पक्ख च करने लेई कोइ कसर नेई दोड़ांरदे न। बीजेपी नेताएं जिनें इलाकें इलाकें च चुनां होने आल ऐ, उत्थें नेका चुनावी रैलियां कीतियां। पार्टी दे अध्यक्ष जे.पी.नड्डा होरें इक रैली च आरजेडी ते कांग्रेस पार्टी दी नुक्ताचीनी कीती। जेहानाबाद च इक जनसभा गी संबोधत करदे होई आखेआ जे आरजेडी दा मतलब भ्रष्टाचार, जंगलराज ऐ। श्री नड्डा होरें आरा ते नालंदा च बी एनडीए मेदवार दे हक्कै च रैलिणं गी संबोधत कीता। वरिष्ठ बीजेपी नेता ते केन्द्री मंत्री अभित शाह होरें सासारम ते काराकट पार्लिमानी हल्के च खैमुर ते दाउद नगर च

उपराज्यपाल वी.के.सक्सेना होरें दिल्ली दे मुख्ख सचिव हुंदे थमां घटनाएं दी जांच करने लेई आखेआ ऐ। दिल्ली सरकार नै घटना दी मैजिस्ट्रेट जांच दे आदेश दित्ते न। दिल्ली दे उपराज्यपाल ते मुख्खमंत्री होरें इस घटना ते गिल्लुएं दी मौती पर दुख ते बसोस जाहर कीता ऐं

<><><><><><>

CBDT

केन्द्रीय प्रतक्ख कर बोर्ड सीबीडीटी नै लम्मी अवधि आस्तै पूंजी प्राप्ति दी गणना करने आस्तै माली ब'रे 2025 दा लागत मुद्रा स्फीति सूचकांक सीआईआई अधिसूचित करी दित्ता ऐ। माली ब'रे 2024-25 दा सीआईआई 363 रेआ ऐ जेहड़ा आकलन ब'रे 2025-26 आस्तै प्रीावी होग। एह अधिसूचना इक अप्रैल 2025 थमां प्रभावी होग। सीबीडीटी नै आखेआ ऐ जे एह सूचकांक औने आले ब'रे आस्तै बी लागू होग।

<><><><><><>

Ayush

आयूष मंत्रालय अखिल भारतीय आर्युवेद संस्थान नमीं दिल्ली च सामान्य बीमा कंपनिएं ते आयूष अस्पताल मालकें आस्तै जागरूकता कार्यक्रम आयोजित करा'रदा ऐ। मंत्रालय नै इक ब्यान च आखेआ ऐ जे इस कार्यक्रम दा मकसद नां शड़ा जनता आस्तै आयूष उपचार तगर पुज्ज ते समर्थ गी बधाना ऐ, सगुआं मुख्ख च बीमा कवरेज आस्तै सार्वजनिक ते निजी आयूष अस्पताले गी सूचिबद्ध करने दी सहूलत प्रदान करना बी ऐ। इस कार्यक्रम च सेहत बीमा योजनाएं दे नियामक ढांचे ते इसदे च आयूष इलाज गी मुख्खधारा च आनने ते चुनौतिएं कन्ने निबड़ने ते मौके दा लाह ठोआने आस्तै प्रमुख्ख सरबंधी घड़ें बशकार गल्लबात दी सुविधा आस्तै नीतिगत मदद दी जरूरत पर चर्चा कीती जाग।

<><><><><><>

Pole Vault-Deepa

दीपा करमाकर होरें उजबेकिस्तान दे ताशकंद एशियन चैंपियनशिप च भारत दा पैहला सुन्ने दा तगमा जित्तिथै इतिहास रची दित्ता। 30 ब'रें दी ओलपिंक खडारन होरें महिलाएं दी

पोल-वाल्ट दे फाइनल च 13.566 दे स्कोर गी दर्ज कीती। एह पैहली बारी ऐ जिसलै इक भारतीय जिमनास्टिक नै एशियन चैंपियनशिप दे कुसै बी चरण च सुन्ने दा तगमा जित्तेआ ऐ।

<><><><><><>

IPL

आईपीएल क्रिकेट दे फाइनल मकाबले च कल रातीं कोलकाता नाईट राईडर्स नै सनराईजर्स हैदराबाद गी 6एं विकेटें कन्नै हराइयै त्री बारी एह खताब अपने नां कीता ऐ। कोलकाता नाईट राईडर्स नै पैहले गेंदबाजी करदे होई सनराईजर्स हैदराबाद दी पूरी टीम गी 113 रंजें पर गै आउट करी दित्ता। आईपीएल क्रिकेट दे फाइनल मैच दा अजें तोड़ी दा एह सब्बने शा घट्ट स्कोर ऐ। जित्त लेई लोड़चदे ममूली 114 रंज दे लक्ष्य दा पिच्छा करदे होई कोलकाता नाईट राईडर्स दी टीम नै अजें 51 गेंदांबाकी रौंहदे गै आईपीएल 2024 दा खताब अपने नां करी लैता। कोलकाता नाईट राईडर्स लेई वैंकटेश अय्यर नै सब्बने शा मते 52 रंज बनाए जिसलै जे रहमान उल्लाह गुरबाज नै 39 रंजें दा योगदान दित्ता। मिचेल स्टार्क गी मैच दा बेहतरीन खडारी घोषत कीता गेआ।

<><><><><><>

I&B Payal

सूचना ते प्रसारण मंत्री अनुराग सिंह ठाकुर होरें भारतीय फिल्म ते टैलीवीजन संस्थान एफटीआईआई दी साबका छात्रा पायल कपाडिया गी उंदी फिल्म ऑल वी इमेजिन एज लाईट आस्तै 77में कान्स फिल्म फेस्टीवल च ग्रैंड प्रिक्स जित्तने पर बघाई दित्ती ऐ। सोशल मीडिया पोस्ट च ठाकुर होरें आखेआ जे एह मुख्य आस्तै पैहली ग्रैंड प्रिक्स जित्त ते 30 ब'रें मगरा Palme d'or च नामांकन ऐ। उनें आखेआ जे उनेंगी एह दस्सदे होई मान मसूस होआ'रदा ऐ जे इस फिल्म दा अधिकारिक सह निर्माण सूचना ते प्रसारण मंत्रालय नै कीता ऐ।

<><><><><><>